

մի խնդճ մարդ պատահեր: Շատ գլուղների աղբատ ընտանիքները օրհնում էին քահանայի կյանքը յուր արած բարերարության համար»:

Այս հատվածները ցույց են տալիս, որ առաջին գաղափարական հայ ավագակը գիտակցում էր սոցիալական անհավասարության անարդարությունը և յուրովի կոչում նրա դեմ: Սակայն շարունակության մեջ տեսնում ենք, որ նրա միտքն ամուր կաշկանդված է կրոնի կապանքներով. մի կողմից նա ուժով պաշտպանում է ճնշվածներին ու հարստահարվածներին, մյուս կողմից այս բանը մեղք է համարում և արտասուք թափելով ապաշխարում:

«Հայոց եկեղեցական օրենքին համաձայն,— պատմում է Արարատյանը,— պատարագիչ քահանան պարտական է յուր մեղքերը խոստովանել ուրիշ քահանայի: Պատահում էր, որ եթե Մզրախն ուզում էր խոստովանել, քահանաներից մի քանիսն անարգում էին նրա վարմունքը և հրաժարվում էին խոստովանեցնելուց: Մզրախը նրանց երկյուղ տալով ստիպում էր, որ իրան խոստովանեցնեն և վրեժխնդիր լինելու սպառնալիքով հարկադրում էր իրան թողություն տալ: Որքան և խորթ է թվում մեզ նրա արարքը, բայց Մզրախն այնպիսի կատարյալ զղջմամբ և այնքան վշտաբեկ սրտով էր իր մեղքերը քավում, որ նրա հոգու անկեղծությունն իր թափած դառը արտասուքների հետ պարզ արտափայլում էր: Այս բանը միաձայն վկայում էին նրա խոստովանեցնող բոլոր քահանաները՝ չնայելով, որ շատերը Մզրախին յուր կոպիտ բնավորության և կամայականության պատճառով չէին սիրում»:

Չափազանց ուսանելի է պատմաբանի ու ամեն ընթերցողի համար հիշել, թե մեր աշխարհի կենտրոնում, Արարատյան դաշտում առաջին գաղափարական հայ ավագակի գործերը որ թվականներին են կատարվում:

1791—1792 թվականներին, առաջ ու հետո:

Ի՞նչ թվականներ են սրանք Ֆրանսիայի պատմության մեջ:

— Ֆրանսական առաջին հեղափոխության աշխարհացունց տարիներն են: Այնտեղ՝ հեղափոխություն, դասակարգային կռիվ, քաղաքացիական պատերազմ, բմբոստացած մասսա, ծածանվող կարմիր դրոշակ, ծխաջուղ բարիկադներ ու մարսելյոզ:

Այստեղ, մեզանում, պարսիկ խաների ու ֆառաշների տիրուպետություն, հայ հոգեւորական ու աշխարհիկ բուռնցքների անողորմ հարստահարություն, անշշունջ տառապող բաղմունություն, խունկ ու կնդրուկ, աղոթքներ, աղոթքներ ու անվերջ աղոթքներ...

Այնտեղ՝ Միրաբո, Դանտոն, Ռոբեսպիեր, Մարատ:

Այստեղ, մեզանում... Մերկե-Կուլաբի միայնակ Տեր-Մզրախ...

1919 թ. ապրիլ,

Երևան:

---

1 «Վաղարշապատցի Հարություն Արարատյանի կյանքը», թարգմանեց ուսանողից Պ. Պ., Բիֆլիս, 1892, էջ 63—67, Մերկե-Կուլաբ գլուղը, որ ալժմ կոչվում է նաև պարզապես Կուլաբ, գտնվում է Երևանի նահանգի Սուրմալու գավառում: Պոռոշյանը կարծում է, որ գլուղի անունը Մերկե-Կուլաբ չպիտի լինի, այլ ներքի կամ ներքին Կուլաբ: Այս սխալ է: Գլուղը կոչվում է Մերկե-Կուլաբ, որ բերքեն նշանակում է մարգագետիններով առատ (չիմանով) Կուլաբ: